



三角圓

別位个客家莊，板條係盡輒食得著个點心，在東勢，虬虬韌韌又滑溜个三角圓係盡有特色也盡好食个點心，這三角圓，也有係盡難忘个回憶。

頭擺，官讀書个偈同老弟，逐日跔阿奶在屋家寮。有一日，阿奶帶吾兩儕去莊頭阿水伯婆个點心店食點心，該係吾等第一到食著三角圓。該碗衝緊煙个湯肚有白白个三角圓浮上浮下，襯緊幾皮青青个白菜，放有香香个蔥酥同芫荽，還有增加風味个胡椒粉。咁一口湯，哇！味瑞還好哪！阿奶驚吾等燒著，先同三角圓撈跔來，放在細碗肚畀涼，過用叉叉緊搵一種柑紅色个醬正分吾等食。一落嘴，該醬甜甜還略略辣辣，一咬落去，三角圓个皮韌韌虬虬，裡肚包个絞肉鹹香鹹香，緊噉緊香，滑溜滑溜一下斯吞落肚咧，遽遽過咬第二口，兩三下斯食撇一粒三角圓咧。阿奶笑咪咪問講：「好食無？」吾兩儕緊頷頭，大聲應講：「好食！當好食！」三子阿奶食兩碗三角圓，食都飽飽、當歡喜。

偈問阿奶，三角圓係用麼个做个，仰脣會韌韌又虬虬？阿奶講：「愛做三角圓無恁該啗，該皮愛用番薯粉同太白粉共下忖，忖粉个水溫度也愛當注意，加个水若忒燒抑忒冷，等做好个三角圓愛落鑊煮个時節，斯會開撇，會肉還肉、皮還皮，該斯無錫人食咧！」「包三角圓个肉也愛炒過，搵个醬料也愛用太白粉同米醬、辣椒落去煮，愛做三角圓，愛當多工正有法度做來素絲、做來好食。」

阿奶知吾等好食三角圓，恁久恁久斯會帶吾兩儕去食一碗三角圓，吾等讀書咧，見到拜六禮拜，阿奶也會招吾等共下散步行去莊頭阿水伯婆个點心店食三角圓，阿奶會同阿水伯婆展講偈同老弟讀書仰脣慶，哪科考試又考一百分，阿水伯婆阿腦吾等个時節，阿奶个目珠斯笑去彎彎彎，親像初三暗晡个月光。

讀高中二年生該年冬下，阿奶過身咧，有歸半年个時間，偈放學行到莊頭，做下頭犁犁遽遽行過阿水伯婆个點心店，驚看著阿水伯婆、驚鼻著該熟事个三角圓湯个氣味，驚想起頭擺同阿奶共下來食三角圓个情景。

十外年過去，阿水伯婆也無在咧，厥个點心店換厥妹在捍，好得三角圓个味瑞無走盡。逐擺轉妹家，偈還係會去交關一碗三角圓，共款係衝煙个三角圓湯、共款係浮上浮下白白个三角圓同幾皮白菜，共款有香香个蔥酥、芫荽同胡椒粉味。食著係同頭擺共款个好味瑞，毋過，偈一口一口吞落肚个毋單淨係三角圓、還有童年回憶同對阿奶深深个思念。

作者：徐姿華

☆詞彙學習☆

【三角圓】sam+ gog^ˆ rhen^ˇ：以太白粉及地瓜粉做

【捍】hon^ˋ：經營、管理。

成外皮，內餡包絞肉，捏成三角形的點心，口

【無走盡】mo^ˇ zeu^ˆ zan^ˆ：沒有失去準度，沒有走樣。

【三子阿奶】sam+ zii^ˆ a+ ne^ˆ：祖孫三人。

【交關】gau+ guan+：買賣、消費。